

## **Repetitio Clem. I. Ut Clericorum De Officio Ordinarii**

**Aufréri, Étienne**

**Leodii, 1702**

Serenissimo Et Reverendissimo Principi Ac Domino, D. Ferdinando  
Archiepiscopatus Coloniensis Et Præposituræ Bergtesgatensis Coadjutori  
& Administratori, Præposito Argentinensi, Comiti Palatino Rheni, ...

---

[urn:nbn:de:hbz:466:1-63069](#)



SERENISSIMO  
ET REVERENDISSIMO  
PRINCIPI  
AC DOMINO,  
**D. FERDINANDO.**

ARCHIEPISCOPATUS COLONIENSIS

Et Præposituræ Bergesgatensis,  
Coadjutori & Administrato-  
ri, Præposito Argentinensi,  
Comiti Palatino Rheni, utrius-  
que Bavariæ Duci, Domino  
suo colendissimo.

S. P.



Um hic Author, SERENISSIME  
PRINCEPS, antiquus (ut  
qui Anno 1485. primùm editus,  
deinde Anno 1514. iterum recu-  
sus fuerit) ex Biblioteca Cla-  
rissimi

† 2

## EPISTOLA

riſſimi atque Consultiſſimi Viri STEPHANI  
BRUIL MANNI J. U. D. noſtra Academias  
Ordinarij Professoris Affinis & Collegae mei  
familiariſſimi in manus meas veniſſet, eundemq;  
nusquam in Typographiis extare animadvertis-  
ſem, propter ſumma utilitatem infinitarum  
quæſtionum, quæ in quotidianis controverſiis,  
circa Ecclesiasticam & Laicam Jurisdictionem  
quotidie occurrunt, & in eodem deciduntur,  
rem labore dignam, & Reipublicæ, doctisque  
viris non ingratam mihi me fakturum perſua-  
ſi, fi eundem mea opera, atque studioq; quaſi  
poſtlimio in manus eorum revocarem, &  
quaſi ab interitu vindicarem. Non quod neſ-  
ciām iſum Authorem in TRACTATIBUS  
TRACTATUUM, & REPETITIONUM  
diverſis separatiſque Voluminibus contineri,  
ſed quoſuſquisque eſt, qui ob immenſum il-  
lud preſium ea Volumina Tractatum & Repe-  
titionum ſibi comparare poſſit? Et quidem  
ad hunc laborem fuſcipiendum incitavit me  
iſpa natura, quæ homines hominum cauſa  
finxit atque procreavit, ut ſibi invicem,  
quaquaque poſſent ratione, auxilio forent.

Commovit me etiam iſpa Ciceronis eloquen-  
tiae fontis ex Platone auctoritas, quod non  
nobis tantum, ſed etiam aliis nati ſimus,  
communesque utilitates in medium adferre,

&

## DEDICATORIA

& communione officiorum , dando , accipiendo , tum artibus , tum opera , tum conſilio , tum facultatibus promoteri hominum ſocietatem debeamus.

Perlegi itaque vetus illud Exemplar , in quo ( cum mendoſum admodum , & continuo orationis filo contextum eſſet ) innumerabilia loca correxi , novos Paragraphos , & certas quæſtiones cum ſubordinatis Fallentis conſtrui , Summaria ( legentium laborem ſublevando ) ubique aſcripsi , plurimis etiam in locis cervino quodam ſaltu , quantum per occupationes licuit , umbratiles quasdam Addi- riones atque Remiſſiones adjeci , & hoc modo Authorem noſtrum hac nova forma , nova quaſi veste inducum atque reformatum in Republica noſtra literaria conservare atque tueri , Bibliopolisque venalem restituere volui .

Ita enim quod in rebus humanis paulatim labitur , in pristinum ſtatum revocari conuenit . Sic enim Imperator JUSTINIANUS quod pantatim ( inquit ) labitur , id reparare festinamus . ( a ) Idem JUSTINIANUS . Quoniam , inquit , Leges jam antea poſtas , plerumque neglectas invenimus , eas reparari oportere judicamus , idque in locis pluribus .

Etſi

( a ) In Auth. de quæſtore .

## EPISTOLA

(b) Et si igitur de Jure recte dici possit,  
quod paria sint facere de novo, vel reficere  
in nova forma (c) quia aliquid uni subje-  
cto addendo ejus mutatur natura, & eo ip-  
so quod veteri privilegio aliquid additum est,  
novum facit censeri privilegium (d) sicuti  
quando prima dispositione aliquid additur,  
vel detrahitur, nova dispositio, nova forma for-  
ma efficiet: (e) atcamen nihil in hunc Au-  
thorem, neque juris, neque possessionis mihi  
vendico, sed tantum aliquam à studiosis pro  
mea publicæ utilitatis promovenda cupiditate  
mihi gratiam deberi existimo, eo quod quan-  
do ex statuto pro singulis instrumentis gabel-  
la debetur, utique etiam, si veteri instru-  
mento aliquid additur, nova etiam gabella  
debetur. (f) Hanc igitur meam qualis-  
cunque Reipublicæ juvandæ operam, hoc meum  
studium atque laborem (si modo discendi stu-  
dendi-

(b) In Auth. de hæred. & fal. §. semper ab initio

(c) Felin. in cap. consuluit, de judiciis.

(d) Cravett. consilio 4. numero 54. Alexand. con-  
silio 161. vol. 6.

(e) Jason notab. 4. in leg. 1. §. Si quis de verbo-  
rum obligatione.

(f) Ananias in cap. Judæi. de Judæis.

## DEDICATORIA

dendique cupiditas labor est ) SERENISSIME  
PRINCEPS , Augusto Celsitudinis Tue No-  
mini , atque Numinis ejusdem consecrare vo-  
lui , idq; dupli de causa.

Primo , quia ob multas heroicas ingenij tuæ  
virtutes , animique raras atque præclaras dotes  
omnium consensu atque applausu , sanctissimæ  
Sedis Apostolicae autoritate accedente , ad  
culmen ejus præminentis dignitatis atque Præ-  
laturæ erectus atque elatus es , ad quam hu-  
jus Libelli materia atque Tractatus omnimodo  
spectat , & pertinet : Agitur siquidem in eo  
potissimum , tam de Clericorum correctione ,  
quam etiam de Ecclesiastica jurisdictionis de-  
fensione atque conservatione , quorum utrum-  
que Serenissima Tua Celsitudo ex officio incum-  
bit. Deinde , ut cum hactenus Serenissima Tua  
Celsitudo artium ingenuarum , Rethorum ,  
Philosophorumque præcepta didicerit , atque  
inde modestia , continentia , vigilancia , om-  
niumque virtutum fundamentum jecerit , at-  
que etiamnum hodie Theologiae studio delecte-  
tur , etiam hanc Juris Civilis atque Canonice  
partem , & quatenus Imperatoris jurisdictione  
a Summi Pontificis potestate promanet in hac  
potissimum ecclesiastica materia , ex hoc brevi  
Libello hauriat atque cognoscatur , Clericorum  
sinistros mores reformat , atque Ecclesiasticam  
jurisdi-

EPIST. DEDIC.

jurisdictionem conservet. Accipe igitur hanc  
meam operam, & hoc meum munusculum,  
Serenissime Princeps, sereno vultu, & dum  
pro ijs (ut ille ait) non milia aurum posco.  
Illud tantum petere non erubesco, ut ea mea  
erga Serenissimam Tuam Celsitudinem devotis-  
simæ observantiae pignus esse sinat, & me,  
meosque sibi commendatos habeat. Deus Op-  
timus, Maximus, Serenissime Tuæ Celsitudi-  
nis actiones omnes perpetuò dirigere, larga  
manu fovere, & eandem diœcese Coloniensi-  
diu in columem conservare dignetur.

Datum Coloniae ex Musæo meo, Anno repa-  
ratae salutis 1597. 1. Julij.

SERENIS. T. CELSIT.

Observantissimus

MATTH. BOYS Doct.

SYNOP-